

Unha heroína da aviación

o 24 de xullo de 1897. Comezou a interesarse polos avións en 1920, durante un espectáculo aéreo. Con esforzo e constancia, xuntou o diñeiro para pagar as clases de voo e mercar un avión de segunda man e, en 1922, xa voaba como piloto.


En 1927 unha chamada de teléfono cambioulle a vida: o capitán H. H. Railey propoñíalle atravesar o Atlántico. Amelia aceptou e, en 1928, converteuse na primeira muller en cruzar o Atlántico como pasaxeira. Máis adiante, en 1932, fixo a travesía en solitario e foi, de novo, a primeira muller en conseguilo. Fíxose moi famosa e converteuse nunha heroína nacional. Pero non foi todo terra chá para ela: non estaba ben visto que as mulleres fíxesen actividades reservadas aos homes e tivo que atusar comentarios moi despectivos.

Malia todo, Amelia seguiu coas súas viaxes e en 1935 converteuse na primeira persoa que conseguiu voar entre Hawaii e California.

En 1937 aceptou un novo reto: dar a volta ao mundo seguindo a liña do ecuador, co bimotor *Lockheed Electra*, xunto co capitán norteamericano Frederick J. Noonan. O 1 de xuño de 1937 saíron de Miami (Florida). 35.000 km despois, o 30 de xuño, aterraron en Nova Guinea. Tan só 11.000 km os separaban do seguinte obxectivo: a illa de Howland, en medio do Pacífico.

O 2 de xullo, Amelia falou por radio cun gardacostas que estaba preto de Howland, onde tiñan que aterrar: «Debemos de estar sobre vostede pero non o vemos... O combustible estase acabando...».

Amelia e Noonan non chegaron nunca á illa. Malia os millóns de dólares e todos os avións e barcos da mariña que os Estados Unidos empregaron para buscalos, non se atopou ningún rastro nin de Amelia nin de Noonan nin do avión. A súa desaparición segue a ser un enigma e aínda hoxe organizanse expedicións para buscar os restos daquel avión e dos seus ocupantes.



2 Subliña. Que tipo de texto acabas de ler?

- Un escrito que explica a vida dunha persoa, é dicir, unha biografía.
- Unha narración dun feito que pasou hai pouco tempo, é dicir, unha noticia.
- Un texto en que interveñen diversos personaxes, é dicir, un diálogo.

3 Marca a opción correcta para cada oración.

• Amelia Earhart naceu...

no Atlántico.

En Hawaii.

nos Estados Unidos.

• Amelia cruzou o Atlántico en solitario cando tiña...

31 anos.

40 anos.

35 anos.

• Como non estaba ben visto que as mulleres fixesen actividades reservadas aos homes...

Amelia recibiu o apoio de todo o mundo.

Amelia tivo que aguantar comentarios de desprezo.

Amelia marchou vivir a outro país.



4 Arrodea as calidades que cres que tiña Amelia. Se che cómpre, consulta o dicionario.

• valentía

• egoísmo

• esforzo

• valor

• covardía

• intrepidez

• atrevemento

• preguiza

• constancia

• medo

5 Relaciona cada palabra co seu significado.

pioneiro

Avión que funciona con dous motores.

ecuador

Que indica menosprezo ou desprezo.

bimotor

Persoa que fai unha cousa nunca feita antes.

travesía

Misterio, cousa difícil de explicar ou de entender.

despectivo

Viaxe, especialmente a que se fai por mar ou por aire.

reto

Paralelo que divide a Terra en dúas metades iguais.

enigma

Desafío, cousa difícil de conseguir.

6 Explica que quere dicir a expresión *non foi todo terra chá* para ela.

7 Indica que papel teñen na vida de Amelia os personaxes seguintes.


CAPITÁN
H. H. RAILEY

CAPITÁN
F. J. NOONAN

8 Explica cal foi o último reto de Amelia e se o conseguiu.

9 Ordena os feitos seguintes da vida de Amelia.

- A aviadora cruzou o Atlántico en solitario.
- Amelia estaba interesada pola aviación.
- Amelia Earhart nace en Kansas.
- Intenta facer a volta ao mundo pola liña do ecuador.
- Cruza o Atlántico como pasaxeira.
- Amelia desaparece sen deixar rastro.



10 Subliña unha palabra composta en cada oración.

- O gardacostas captou as mensaxes de Amelia.
- Seis portaavións participaron na busca dos desaparecidos.
- Se cadra, os pasaxeiros do avión saltaron cos paracaídas.
- A desaparición de Amelia e Noonan é un crebacabezas que ninguén resolveu aínda.

11 Fíxate nos verbos do texto e di que tempos (presente, pasado o futuro) e que modo (indicativo, subjuntivo o imperativo) predominan. Por que debe ser así?

12 Indica en que modo están as formas verbais destacadas: indicativo, subxuntivo ou imperativo.

- Se Amelia non **fose** tan insistente, non conseguiría voar. ▶ _____
- A desaparición do bimotor de Amelia **resulta** un enigma aínda hoxe. ▶ _____
- Oxalá **atopasen** algún día o avión de Amelia, o *Lockheed Electra*! ▶ _____
- H. H. Railey dille a Amelia: «**Ven** comigo e cruzaremos o Atlántico». ▶ _____
- Amelia era valente e **aceptaba** todos os retos que lle propoñían. ▶ _____
- Xa sabes o que debes facer: **esfórzate** moito e conseguíralo. ▶ _____

13 Le e escribe as seis comas que faltan neste texto.

Sen dúbida Amelia Earhart foi unha persoa excepcional e impuxo marcas históricas: primeira muller en facer un voo solitario no Atlántico primeira persoa en facelo dúas veces distancia máis longa voada por unha muller sen parar e por cruzalo no menor tempo.

Os recoñecementos acumuláronse. Realizou un tour por Europa fixo un percorrido baixo chuvia de papeis en Nova York o presidente Hoover condecorouna coa medalla de ouro especial da *National Geographic Society* recibiu chaves da cidade de moitas partes foi nomeada a muller máis influente do ano e moitos outros recoñecementos.



14 Pensa e responde. Cres que hai traballos ou actividades que son propios dos homes e que as mulleres non os poden facer? Por que?

15 Escribe unha breve biografía de alguén que coñezas ou dun personaxe que admires.
